

Benedèt ch'èl frut biondin

(1996)

'O cognòs un frùt biondin
furbo, svelto e birichin,
simpri saldo ch'al fevele
par contati che plui biele.

Come che dal paradìs
là ch'al dîs di 'vè lidrîs
e lassù si e fât ami
dal Paron dè gnot e di.

E li saldo lui lis conte
gnovis gruëssis cu la zonte
al fâs crodi ch'al'è vêr
ben 'zurant ch'al è sincêr.

Po' calmât al dîs sigûr
cun peraulis dal so cûr

Poesie e Racconti Friulani

che no j plâs la confusion
cuant ch'al zue di balon.

Ma onest j plâs zujà
e nol ûl mai sgambetà
e par chest al'è sigûr
che nissun lu mande fûr.

Dut parcè chal zujà miôr
di cualuncue zujadôr,
sôl se l'albitro nol vâ
si dà fuarce a protestà.

'A sares cussì finide
la facende de partide,
ma di gnûf al ûl tacà
su la scuele e sul studià.

Par finì cun cheste bièle
che content al vâ a scuele

Poesie e Racconti Friulani

e lui s'impegne a studià
ben savint che j servirà.

'A son tantis di robutis
no si po' contalis dutis,
benedetchel frùt biondin
come lui ogni frutin.